

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla”d.o.o.

Broj:01/I-1035- 10 /23
G.Dubrave, 11.09. .2023.godine

Na osnovu člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke na JP „Međunarodni aerodrom Tuzla“d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U
o izboru najpovoljnijeg ponuđača

I

Ponuda ponuđača **ATEX d.o.o. SARAJEVO**, za ponuđenu cijenu od **11.000,00 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci **invalidskih kolica za ukrcavanje i iskrcavanje putnika** na JP „Međunarodni aerodrom Tuzla“ d.o.o..

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav 6. Zakona o javnim nabavkama.

O b r a z l o ž e n j e

U postupku javne nabavke pokrenutom Odlukom o pokretanju broj: 01/I-1035/23 od 18.07.2023.godine, rok za dostavljanje ponuda bio je 07.08.2023.godine do 09:00 sati, te na javnom otvaranju održanom 07.08.2023.godine u 09:30 sati, u prostorijama JP „Međunarodni aerodrom Tuzla“ d.o.o., Komisija imenovana Rješenjem broj: 01/I-1035-1/23 od 18.07.2023.godine, konstatovala je da:

Prema zapisniku o zaprimanju ponuda broj 01/I-1035-6/23 , u roku za dostavljanje ponuda pristigle su tri ponude:

- 1) Ponuda firme ATEX d.o.o. SARAJEVO, u ukupnom iznosu od 11.000,00 KM bez PDV-a
- 2) Ponuda firme BOLC d.o.o. TESLIĆ, u ukupnom iznosu od 11.000,00 KM bez PDV-a
- 3) Ponuda firme TP OMERBAŠIĆ d.o.o. Tešanj, u ukupnom iznosu od 10.950,00 KM bez PDV-a

Ponude su blagovremeno zaprimljene i uredno zapečaćene, što je konstatovano i Zapisnikom sa otvaranja ponuda broj 01/I-1035-7/23 od 07.08.2023.godine. Komisija je pristupila otvaranju ponuda, te Konstatovala:

- 1) Uvidom u ponudu 1 utvrđeno je sadrži svu traženu dokumentaciju. Uvidom u dostavljene tehničke specifikacije Komisija nije mogla tačno utvrditi da li navod „minimalna nosivost putnika 180kg“ ispunjava traženi uslov propisan tehničkim specifikacijama „nosivost minimalno 120kg i više“ te je pismenim putem traženo pojašnjenje ponude. U dopisu 01/31-08/2023 od 31.08.2023.godine u pojašnjenju ponuđača se navodi da kolica ispunjavaju sve tražene tehničke specifikacije i da je certificirana nosivost putnika testirana do 180kg što je više nego što je potrebno za rad i obuhvata traženu „nosivost od 120kg i više“ kako je to navedeno u tenderskoj dokumentaciji. Nakon svega navedenog Komisija je konstatovala da ponuda ispunjava sve tražene uslove i kao takva je prihvatljiva.
- 2) Uvidom u ponudu 2 utvrđeno je da sadrži svu traženu dokumentaciju. Uvidom u Izjavu po članu 52. Zakona utvrđeno je u njoj nije naveden ID broj kao ni naziv javne nabavke. Komisija je takođe konstatovala da se priložene tehničke specifikacije ne slažu sa propisanim u tenderskoj dokumentaciji: ponuđena širina 42,5cm (traženo do 40cm) i baterija olovna (traženo litijumska). Komisija je jednoglasno konstatovala da ponuda nije u skladu sa tenderskom dokumentacijom i kao takva je nepravilna.
- 3) Uvidom u ponudu 3 utvrđeno je uz dokumentaciju nisu priložene tehničke specifikacije robe. Komisija takođe konstatuje da je ponuđen rok važenja ponude 30 dana dok se u tenderskoj dokumentaciji izričito traži 60 dana i da period ne može biti kraći od roka navedenog u tenderskoj dokumentaciji te da će u slučaju ponuđenog roka koji ne ispunjava uslove ugovorni organ odbiti ponudu. Komisija je jednoglasno konstatovala da ponuda nije u skladu sa tenderskom dokumentacijom i kao takva je nepravilna.

Komisija je takođe konstatovala da u Izjavama dostavljenim uz sve tri ponude, nedostaje broj objave u službenom glasniku, ali da se iz navoda i datuma izjava može zaključiti da se odnose na predmetni postupak te da to ne utiče na prihvatljivost ponuda.

Komisija je jednoglasno konstatovala da su ispunjeni uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača za nabavku invalidskih kolica za ukrcavanje i iskrcavanje putnika na JP „Međunarodni aerodrom Tuzla“ d.o.o., i Ugovor dodijeli firmi ATEX d.o.o. Sarajevo, a u skladu sa članom 69. stav 1. tačka a) Zakona o javnim nabavkama.

Na osnovu prijedloga Komisije za provođenje postupka javne nabavke za nabavku predmetne robe na JP „Međunarodni aerodrom Tuzla“ d.o.o., donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:

1 x Ponuđačima

1 x Evidenciji

1 x a/a



DIREKTOR

Dževad Halilčević